

南史识小录

蘇子知聲

PDG

南史識小錄卷六

錢唐沈名蓀潤芳秀水朱昆田文盛

原輯 後學錢唐張應昌補正

宋列傳

本史補

劉穆之夢與宋武帝汎海遇大風驚俯視船

下見二白龍夾船

船宋書作舳

忠規密謨潛慮帷幕造

膝詭辭莫見其際

追甄士宇

追封也以上劉穆之傳

劉瑀

爲御史中丞彈蕭惠開云非才非望非勳非德彈王

僧達云蔭藉高華人品亢末朝士莫不畏其筆端

劉式

傳之

劉秀之遷益州刺史折畱奉祿二百八十萬付

梁州鎮庫

都下貧子出爲郡縣皆以苟得自資

從叔穆之爲丹陽時與子弟聽事上宴聽事柱有一

穿謂汝等試以栗遙擲柱入穿者後必得此郡惟秀

之獨入焉果爲丹陽尹以上劉秀之傳徐羨之無術學直

以局度一旦居廊廟傳亮蔡廓嘗云徐公曉萬事

安異同羨之拜司空時雙鶴集太極殿東鵝尾鳴

喚以上徐羨之傳懷懷丹實徐湛之傳劉藏謂其弟舍曰徐

郎是令僕人王儉謂人曰徐孝嗣將來必爲宰相

出爲吳興太守儉贈四言詩曰方軌叔茂追清彥輔

柔亦不如剛亦不吐時人以比蔡子尼之行狀以上徐孝

嗣傳傳亮年四五歲郗超見之令人解衣使持去初

無吝色超謂其父瑗曰卿小兒才名位宦當遠踰於

兄亮總國權直中書省於省見客神獸門外每旦

車。清數白兩。亮見世路屯險著論名曰演。慎及少

帝久御內懷憂懼直宿禁中睹夜蛾赴燭作感物賦。

以寄意。亮傳以上傳。傳隆爲御史中丞得司直之體。隆傳

傳。召檀道濟入朝其妻向氏曰高世之勳道家所

忌無事相召禍其至矣。檀道濟傳檀祗爲廣陵相賊夜

緣廣陵城入祗謂左右曰賊乘暗入但打五鼓懼之。

賊聞鼓鳴謂爲曉乃奔散追殺百餘人。檀祗傳將士

乏食親到宏農督人租百姓競送義粟。王鎮惡傳朱脩

之拜左戶尚書領軍將軍至建鄴牛奔墜車折腳辭

尚書徙崇憲太僕脚疾特給扶侍。朱脩之傳宗靈秀軀

體肥壯拜起艱難每一集會輒於坐賜靈秀器服飲

食前後相係欲其占謝傾踏以爲歡笑。孝武寵一

崑崙奴子名白主。常在左右。令以杖擊羣臣。柳元景

以下皆罹其毒。以上王元謨傳王瞻負氣傲俗好貶裁人。

物。王瞻傳

劉敬宣報諸葛長人書曰。下官常懼福過

災生。實思避盈居損。劉敬宣傳武帝產而皇妣姐貧薄

無由得乳人。劉懷敬傳孝武殷貴妃薨。謂劉德願曰。卿

哭貴妃若悲。當加厚賞。德願應聲便號。慟撫膺。擗踊

涕泗。交流。上悅。以爲豫州刺史。劉亮在梁州。服食

欲致長生。迎武當山道上孫懷道。使合仙藥。藥成。服

之而卒。按宋書云。藥成未出火。毒孫不聽。亮服亮苦

傳。後人逢見乘白馬。將數十人出關西行。共語

分明。乃道家所請尸解也。又按懷道宋書作道角。

以上劉
懷慎傳

向柳立身方雅

向柳傳

劉鍾彭城人武帝

拔爲郡主簿曰彭城鄉人赴義者並可依劉主簿於

是立義隊

劉鍾傳

殷仲堪崇待桓元太過胡藩曰倒

戈授人必至大禍

武帝起兵桓元戰敗將出奔胡

藩扣馬諫元直以鞭指天而已

從征慕容超圍廣

固城將拔之夜有鳥大如鷺蒼黑色飛入帝帳裏藩

賀曰蒼黑者胡虜色胡虜歸我大吉之祥明旦攻城

陷之

以上胡藩傳

劉道產澤被西土喪還諸蠻縵經號

哭追送

劉道產傳

詔劉延孫曰舊京樹親

劉延孫傳

階緣

恩舊攀附風雲

以上論

蕭惠開丁父艱家素事佛爲

父起四寺南岡下名曰禪岡寺曲阿舊鄉宅名曰禪

鄉寺京口墓亭名曰禪亭寺所封封陽縣名曰禪封

寺惠開發病嘔血吐物如肺肝者以上蕭惠開傳武帝

目蕭介謂朱异曰端右材也以上蕭介傳侯安都爲南

徐州刺史造廬申長幼之敬蕭允傳帝謂蕭引曰我

每有所忿見卿輒意解何也引曰此是陛下不遷怒

臣何預此恩蕭引傳魏遣李彪來使齊武帝譙之蕭

琛於御筵舉酒勸彪彪不受曰公庭無私禮琛答曰

詩所謂雨我公田遂及我私啓明帝文自魏晉以

來郎官稍重今方參用高華吏部又近於通貴以上蕭琛

傳臧嚴爲湘東王宣惠參軍兼記室嚴於學多所

諸記王嘗執四部書目試之嚴自甲至丁卷中各對

一事并作者姓名無遺失

臧嚴傳

臧盾遷御史中丞

性公強甚稱職

臧盾傳

臧厥居職所掌之局大事及

蘭臺廷尉所不能決悉以付厥辨斷精明咸得其理
卒後有搃登聞鼓訴求付清直舍人帝曰臧厥既亡
此事便無所付

臧厥傳

義宣心腹將佐咸有富貴情

願

臧質傳首建鄴錄尚書江夏王義恭等奏依漢

王莽事漆其頭藏於武庫

以上臧質傳

謝晦臨死兄子

世基爲連句詩曰偉哉橫海鱗壯矣垂天翼一旦失

風水翻爲螻蟻食晦續之曰功遂侔昔人保退無智

力既涉太行險斯路行難陟

謝晦傳

桓元誅元顯見

謝景仁謂人曰司馬庶人父子云何不敗遂令謝景

仁。二十而方佐著作郎。桓元出行殷仲文卞範之

等皆騎馬散從而使景仁陪輦。武帝目謝景仁曰此

名公孫也。景仁是太傅安孫。景仁勸帝北伐曰平

定之後養銳息徒。以上謝景仁傳述美風姿善舉止劉湛

謂人曰我見謝道兒未嘗足。述有心虛疾。述卒

喪還殷景仁劉湛同乘赴迎望船流涕。以上謝述傳謝

朏遷尚書吏部郎三讓中書疑朏官未及讓沈約曰

謝吏部今授超階讓別有意豈關官之大小。江祐

及弟祀劉渢劉晏俱候朏朏曰可謂帶二江之雙流

以上謝朏傳謝方明流離險厄屯苦備經而貞履之操

在約無改。謝方明傳惠連愛幸會稽郡吏杜德靈贈以

五言詩十餘首。乘流遵歸路。諸篇是也。

按宋書長沙王道憐傳云

德靈有姿色。義宗所愛寵。

謝惠連傳

靈運見惠連新文曰。張華重

生不能易也。

靈運祖元父。煥父。生而不慧。靈運幼

便穎悟。元謂親知曰。我乃生瑛瑛兒。何爲不及我。

靈運襲封康樂公。性豪侈。車服鮮麗。衣服多改舊形。

制世共宗之。咸稱謝康樂也。

作山居賦。并自注以

言其事。

徵爲秘書監。使整秘閣書遺闕。

文帝令

晉書粗立條流。

靈運重惠連與爲刎頸交。

以上謝靈

運傳

謝氏自晉以來雅道相傳。

論

謝宏微所繼叔

父混。謂其父思曰。此兒深中夙敏。方成佳器。有子如

此足矣。

宏微家素貧儉。繼從叔峻所繼。豐泰惟受

數千卷書國吏數人而已遺財祿秩一不關預混間而驚歎謂國郎中令曰建昌國祿本應與北舍共之國侯既不厝意今可依常分送宏微重混言乃少有所受北舍宏微本家也宏微婢僕之前不妄言笑厯位中庶子加侍中志在素宦固讓不拜以上謝宏微傳謝莊韶令美容儀宋文帝見而異之曰藍田生玉豈虛也哉王元謨問莊何者爲雙聲何者爲疊韻答曰元護爲雙聲礫礫爲疊韻按王元謨垣護之率師北伐敗於礫礫故云孝武出行夜還敕開門莊居守以縶信或虛須墨詔乃開上後因宴從容曰卿欲效邳君章邪對曰陛下蒙犯霜露晨往宵還容致不逞之徒妄生矯詐

臣是以伏須神筆

以上謝莊傳

宋明帝嘗敕謝朓與謝

鳳子超宗從鳳莊門入二人俱至超宗曰君命不可

以不往乃趨而入朓曰君處臣以禮進退不入時人

兩稱之朓就徵詣闕帝笑曰子陵遂能屈志以上謝朓

傳

謝顥爲豫章太守至石頭白服登烽火樓坐免

官

謝顥傳

謝覽嘗侍坐受敕與王暕爲詩答贈其文

甚工帝賜詩云雙文既後進二少實名家豈伊爾棟

隆信乃俱國華

謝覽傳

謝舉與兄覽俱預元會江淹

一見並相欽挹曰所謂馭二龍於長塗者也何敬

容爲吳郡有美績世稱爲何吳郡及舉爲守聲跡相

比

舉居端揆因疾賜假敕給上藥

以上謝舉傳

武帝

因宴集曰我布衣始望不及此傅亮等撰辭欲盛稱功德王宏率爾對曰此所謂天命求之不可得推之不可去時稱其簡舉宏上言舊制人年十三半役十六全役今四方無事應存消息請以十五至十六爲半丁十七爲全丁從之

以上王宏傳

太尉江夏王義

恭當朝王錫箕踞大坐殆無推敬

王錫傳

王僧達自

負才地早望宰相嘗答詔曰亡祖亡父司徒司空

僧達爲吳郡太守聞郭西臺寺多富沙門遣人劫沙

門竺法瑤得數百萬

以上王僧達傳

王微爲文好古言頗

抑揚袁淑見之謂爲詆屈

遣令薄葬不設輜旒鼓

挽之屬施五尺牀爲靈

以上王微傳

王儉聲高一代賓

客填門僧祐不爲之屈贈儉詩云汝家在市門我家

在南郭汝家饒賓侶我家多鳥雀王僧祐傳王冲有子

三十人竝致通官王冲傳王僧綽遷侍中年二十九

始興王濬問其年僧綽自嫌早達逡巡良久乃答王僧綽傳

傳王儉幼篤學叔父僧虔曰我不患此兒無名政

恐名太盛耳乃手書崔子玉座右銘以貽之齊高

帝自造彥回謂曰我夢應得官彥回曰今授始爾恐

一二年間未容便移且吉夢未必便在旦夕儉爲

尚書令每上朝令史三五十人隨上諮事辨析未嘗

壅滯褚彥回時爲司徒錄尚書謂儉曰觀令判斷甚

樂儉曰所以得厝私懷實由稟明公不言之化儉

生子字曰元成。取仍世作相之義。以上王儉傳王騫嘗

謂諸子曰：吾家本素族，自可依流平進，不須苟求。

梁武於鍾山西造大愛敬寺，騫舊墅在寺側，帝就騫

市之，欲以施寺。答云：此田不賣。帝怒，付市評田價，以

直逼還之。以王騫傳湘東朱异嘗因酒卿規，責以

無禮。丹陽尹王繹宴集，屬規爲酒令，規從容曰：江左

以來未有茲舉。規卒簡文哭之曰：金刀掩芒，長淮

絕涸。以上王規傳王暕年數歲，父儉作宰相，賓客盈門，

見暕曰：公才公望，復在此矣。王暕傳王訓拜侍中，武

帝問何敬容曰：褚彥回年幾爲宰相？敬容曰：少過三

十。上曰：今之王訓無謝彥回。王訓傳王僧虔爲吳興

太守始王獻之善書爲吳興郡及僧虔工書又爲郡

遷侍中開府儀同三司謂兄子儉曰汝行當有八
命之禮我若復此授一門有二台司實所畏懼乃固
辭時有前將軍陳天福合家人豫作壽冢冢成而

得罪因葬焉又宋世光祿大夫劉鎮之年三十許病
篤已辦凶器旣而疾愈因畜棺以爲壽九十餘乃亡
此器乃用誠子書重華無嚴父放勛無令子亦各

由已耳

以上王僧虔傳

王志爲吏部尙書在選以和理稱

王志傳

王筠遷太子洗馬中舍人昭明太子愛文學

士與筠及劉孝綽陸倕到洽殷鈞等游宴元圃太子
獨執筠袖撫孝綽肩曰所謂左把浮邱袖右拍洪崖

肩筠又與殷鈞以方雅見禮筠狀貌寢小筠

文章以一官爲一集以上王筠傳王誕爲會稽王世子

元顯後軍長史元顯納妾誕爲之親迎王誕傳王藻

尚文帝女臨川長公主諱英媛主性妬而藻別愛左

右人吳崇禮主讒之於廢帝下獄死湖熟令袁愔

妻以妬賜死以上王藻傳王實守新安從兄來郡求告

實與錢五十萬從兄密於郡市貨回都求利實知之

追令子杖兄搏頰乞原得免王瑩傳齊竟陵王子良

開西邸延才俊王亮父攸亮爲晉陵太守晉陵令

沈嶺之好犯亮諱亮不堪啓代之嶺之怏怏乃造坐

云下官以犯諱被代未知明府諱學當作無駁尊旁